



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-04/03-34-2899-1/26
Sarajevo, 23.02.2026. godine

Na osnovu čl. 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), čl. 4. i 19. Zakona o izvršavanju Budžeta Kantona Sarajevo za 2026. godinu („Službene novine Kantona Sarajevo broj: 52/25), ministrica za odgoj i obrazovanje Kantona Sarajevo, donosi

O D L U K U

O UVJETIMA, POSTUPKU I KRITERIJIMA ZA DODJELU STIPENDIJA UČENICIMA PRVOG, DRUGOG I TREĆEG RAZREDA SREDNJIH STRUČNIH ŠKOLA KAO JAVNIH USTANOVA NA PODRUČJU KANTONA SARAJEVO KOJI SE OBRAZUJU ZA DEFICITARNA ZANIMANJA III STEPENA U ŠKOLSKOJ 2025/2026. GODINI

I - OPĆE ODREDBE

Član 1.

(Predmet Odluke)

Ovom Odlukom utvrđuju se opći uvjeti, postupak i kriteriji za dodjelu stipendija Ministarstva za odgoj i obrazovanje Kantona Sarajevo (u daljnjem tekstu: Ministarstvo) za učenike prvog, drugog i trećeg razreda srednjih stručnih škola kao javnih ustanova na području Kantona Sarajevo koji se obrazuju za deficitarna zanimanja III stepena u školskoj 2025/2026. godini za koja ne postoji dovoljan interes učenika za upis, a postoji interes na tržištu rada, te prava i obaveze korisnika stipendija.

Član 2.

(Naziv stipendije)

Naziv stipendije glasi: Stipendija Ministarstva za odgoj i obrazovanje Kantona Sarajevo za učenike prvog, drugog i trećeg razreda srednjih stručnih škola kao javnih ustanova na području Kantona Sarajevo koji se obrazuju za deficitarna zanimanja III stepena u školskoj 2025/2026. godini (u nastavku teksta: stipendija).

Član 3.

(Sredstva za stipendije)

Sredstva za stipendije iz člana 1. ove odluke će se osigurati i realizovati iz Budžeta Kantona Sarajevo, razdjel Ministarstvo za odgoj i obrazovanje, sa pozicije 614200 LAM007 Tekući transferi pojedincima.

Član 4.
(Lista deficitarnih zanimanja)

(1) Ministrica za odgoj i obrazovanje (u nastavku teksta: ministrica) raspisuje Javni poziv za dodjelu stipendija za učenike prvog, drugog i trećeg razreda srednjih stručnih škola kao javnih ustanova na području Kantona Sarajevo koji se obrazuju za deficitarna zanimanja III stepena u školskoj 2025/2026. godini (u nastavku teksta: Javni poziv), u kojem se navode zanimanja i broj učenika koji će se stipendirati.

(2) Javni poziv za dodjelu stipendija za deficitarna zanimanja u školama za stručno obrazovanje i obuku će biti objavljen na internet stranici Ministarstva i internet stranici škola iz stava (4) ovog člana.

(3) Javni poziv za dodjelu stipendija za deficitarna zanimanja u školama za stručno obrazovanje i obuku obavezno sadrži naziv škola, deficitarnih zanimanja i broj učenika koji će se stipendirati.

(4) Za školsku 2025/2026. godinu utvrđuje se spisak škola, deficitarna zanimanja i broj učenika koji će se stipendirati kako slijedi:

R.br.	Naziv škole	I RAZRED ŠKOLSKA 2025/2026.	II RAZRED ŠKOLSKA 2025/2026.	III RAZRED ŠKOLSKA 2025/2026.
		Naziv zanimanja/ Broj učenika za stipendiranje	Naziv zanimanja/ Broj učenika za stipendiranje	Naziv zanimanja/ Broj učenika za stipendiranje
1.	JU Elektrotehnička škola za energetiku	Elektromehaničar/4	Elektroenergetičar/5	Elektroinstalater/5
		Elektroenergetičar/3	Elektromehaničar/5	
		Elektroinstalater/3		Elektroenergetičar/5
2.	JU Srednja škola metalnih zanimanja	Bravar/Zavarivač/2	Plinski i vodoinstalater/5	Plinski i vodoinstalater/5
		Automehaničar/2		
		Instalater grijanja, klima uređaja i vode/2	Zavarivač/5	Zavarivač/5
		Operater na CNC mašinama za obradu skidanjem strugotine/2		
		Optičar/2		
3.	JU Srednja tehnička škola grafičkih tehnologija, dizajna i multimedije Ilidža	Operater štampe i dorade/5	/	/
4.	JU Srednjoškolski centar Hadžići	Bravar/Zavarivač/2	Bravar/5	Bravar/5
		Automehaničar/2	Stolar CNC operater/5	Stolar/5
		Frizer/Vlasuljar/1		

		Konfektionar tekstila-Krojač/1		
		Kuhar/1		
		Obradivač materijala na CNC mašinama/1		
		Plinski i vodoinstalater/1		
		Trgovac/Prodavač/1		
5.	JU Srednja škola poljoprivrede, prehrane, veterine i uslužnih djelatnosti	Mesar/2	Mesar/5	Mesar/5
		Cvjećar-vrtlar/3	Prerađivač mlijeka/5	Cvjećar/vrtlar/5
		Frizer/Vlasuljar/3		
		Pekar/2		
6.	JU Željeznički školski centar	Elektroničar telekomunikacija/3	Elektroničar telekomunikacija/5	Elektroničar telekomunikacija/5
		Saobraćajno transportni operater/3	Saobraćajno transportni operater/5	Saobraćajno transportni operater/5
		Elektroenergetičar/2		
		Autolimar/Autolakirer/2		
7.	JU Srednja građevinsko-geodetska škola	Keramičar-podopolagač/5	Keramičar-podopolagač/3	Keramičar-podopolagač/5
		Moler-farbar/5	Moler-farbar/3	Moler-farbar/5
			Zidar/Fasader/2	
			Monter suhe gradnje/2	
8.	JU Srednja škola za okoliš i drvni dizajn	Stolar-CNC operater/3	Stolar-CNC operater /5	Stolar/5
		Tapetar-dekorater/2	Tapetar-dekorater/5	Tapetar-dekorater /5
		Vatrogasac/4		
		Rasadničar/1		
9.	JU Srednja škola za tekstil, kožu i dizajn	Krojač/10	Krojač/10	Krojač/10
10.	JU Srednja škola za saobraćaj i komunikacije	Autolimar/ Autolakirer /2	Autolimar/5	Autolimar/5
		Automehatroničar/2	Autolakirer/5	Autolakirer/5

		Autoelektričar/2		
		Automehaničar/1		
		Rukovalac građevinskih i pretovarnih mašina/2		
		Vozač motornih vozila/1		
11.	JU Srednjoškolski centar Vogošća	Bravar/Zavarivač/3	Zavarivač/5	Zavarivač/5
		Obrađivač materijala na CNC mašinama/3	Obrađivač materijala na CNC mašinama/5	Obrađivač materijala na CNC mašinama/5
		Automehaničar/2		
		Trgovac/Prodavač/2		
12.	JU Srednjoškolski centar „Nedžad Ibrišimović“ Ilijaš	Bravar/Zavarivač/2	Zavarivač/Bravar/5	Zavarivač/5
		Automehatroničar/2	Automehatroničar/5	Obrađivač materijala na CNC mašinama/5
		Frizer/Vlasuljar/1		
		Kozmetičar/1		
		Obrađivač materijala na CNC mašinama/2		
		Operater na CNC mašinama/2		
13.	JU Centar za slušnu i govornu rehabilitaciju	Pomoćni krojač/1	Autolimar/2	Autolimar/4
			Kuhar/1	
14.	JU Škola za srednje stručno obrazovanje i radno osposobljavanje	Pomoćni kuhar/4	Knjigovezac/3	Moler-Farbar/5
			Kuhar /3	Kuhar/5
		Pomoćni reklamni grafičar/3	Reklamni grafičar/2	
		Pomoćni moler/farbar/3	Moler-farbar/2	

(5) Ukoliko je škola za određenu školsku godinu predložila za stipendiranje samo jedno deficitarno zanimanje ili dva i više deficitarna zanimanja od kojih je za neko zanimanje predloženo veći odnosno manji broj od pet učenika, Komisija ministrici može predložiti stipendiranje manjeg odnosno većeg broja od pet učenika po zanimanju pod uvjetom da ukupan broj stipendija ne bude veći od 10 stipendija po razredu u školskoj godini i da učenici ispunjavaju sve uvjete definisane ovom odlukom.

II – KRITERIJI ZA DODJELU STIPENDIJA

Član 5.

(Uvjeti i kriteriji za dodjelu stipendije)

- (1) Pravo na stipendiju ostvaruju učenici koji ispunjavaju sljedeće uvjete:
 - a) da je državljanin Bosne i Hercegovine;
 - b) da je redovni učenik srednje škole i zanimanja iz člana 4. ove odluke koji se prvi put upisuje u prvi razred, prvi put se upisuje u drugi razred i prvi put se upisuje u treći razred u školskoj godini za koju se dodjeljuje stipendija;
 - c) da u prethodnom razredu ima ostvaren dobar uspjeh;
 - d) da u prethodnom razredu ima primjerno vladanje;
 - e) da nije ostvario pravo na stipendiju od javnog sektora (Općine, Grada, Kantona, FBiH, BiH, fondova, ministarstava i javnih preduzeća), organa uprave bilo kojeg nivoa vlasti u Bosni i Hercegovini.
- (2) Ispunjenost uslova iz stava (1) ovog člana, dokazuje se kako slijedi:
 - a) Uvjerenje o državljanstvu (original ili ovjerena fotokopija, čija ovjera ne može biti starija od šest mjeseci.
 - b) Potvrda škole da je redovan učenik i da prvi put upisuje prvi, drugi i treći razred.
 - c) i d) Svjedočanstvo o završenom devetom razredu osnovne škole, odnosno svjedočanstvo o završenom prethodnom razredu srednje škole.
 - e) Ovjerena izjava roditelja/staratelja da učenik nije ostvario pravo na stipendiju od javnog sektora (Općine, Grada, Kantona, FBiH, BiH, fondova, ministarstava i javnih preduzeća), organa uprave bilo kojeg nivoa vlasti u Bosni i Hercegovini.
- (3) Nakon objavljivanja Javnog poziva, prijava na Javni poziv dostavlja se školi koju učenik pohađa.
- (4) Prijavu u ime učenika školi podnosi roditelj/staratelj učenika.
- (5) Nakon isteka roka za podnošenje prijave na Javni poziv, škole su obavezne putem školske komisije koju imenuje direktor škole, izvršiti provjeru usklađenosti prijave sa Javnim pozivom, te u roku sedam dana od dana isteka roka za predaju prijave, dostaviti Ministarstvu spisak učenika koji ostvaruju pravo na dodjelu stipendije sa dokumentacijom kojom se dokazuje ispunjenost propisanih uslova.
- (6) Spisak učenika sa dokumentacijom Ministarstvu dostavlja direktor škole.

Član 6.

(Izbor stipendista)

- (1) Za učenike prvog razreda dostavljaju se podaci na osnovu konkursa za upis učenika u prvi razred srednjih škola sa područja Kantona Sarajevo u školskoj 2025/2026. godini, na osnovu podataka o ostvarenim rezultatima u učenju i vladanju za 9. razred osnovne škole i dokazima iz člana 5. ove odluke, a za učenike drugog i trećeg razreda dostavljaju se podaci o ostvarenim rezultatima za prethodni razred iz člana 5. ove odluke.
- (2) Proceduru za izbor kandidata provodi Komisija koju imenuje ministrica.
- (3) Komisija za svoj rad odgovara ministrici.
- (4) Komisija je dužna izvršiti provjeru formalno-pravne urednosti prijave kandidata i dokumentacije i utvrditi preliminarnu listu stipendista za tekuću školsku godinu najkasnije u roku koji se definiše Javnim pozivom.

- (5) Preliminarna lista stipendista dostavlja se školama iz člana 4. ove odluke u roku od 7 dana od utvrđivanja iste i objavljuje se na internet stranici Ministarstva, a škola je obavezna preliminarnu listu objaviti na svojoj internet stranici i oglasnoj ploči.
- (6) Roditelji/staratelji upisanih učenika za deficitarna zanimanja iz člana 4. ove odluke mogu izjaviti prigovor ministrici u roku od sedam dana od dana objavljivanja preliminarne liste stipendista koju objavljuje Ministarstvo.
- (7) Ministrica će u roku od najkasnije petnaest dana od dana isteka roka za podnošenje prigovora donijeti odluku o izjavljenom prigovoru te utvrditi konačnu listu stipendista.
- (8) Konačna lista stipendista dostavlja se školama iz člana 4. ove odluke u roku od tri dana od utvrđivanja iste i objavljuje se na internet stranici Ministarstva.

Član 7.

(Prednost za dodjelu stipendije)

U slučaju da dva ili više kandidata imaju jednake uvjete za stipendiju, prednost će se dati kategorijama lica naznačenih u Zakonu o dopunskim pravima boraca Bosne i Hercegovine.

Član 8.

(Iznos stipendije)

Iznos stipendije utvrđuje ministrica posebnom odlukom, a isti će ovisiti o raspoloživim sredstvima u Budžetu.

Član 9.

(Izuzeci za dodjelu stipendije)

Pravo na stipendiju kandidat ne može ostvariti ukoliko je već ostvario pravo na stipendiju od javnog sektora (Općine, Grada, Kantona, FBiH, BiH, fondova, ministarstava i javnih preduzeća), organa uprave bilo kojeg nivoa vlasti u Bosni i Hercegovini.

Član 10.

(Ugovor)

Stipendija se dodjeljuje nakon provedenog postupka, a na osnovu kriterija propisanih ovom Odlukom nakon čega Ministarstvo sa roditeljima/starateljima učenika zaključuje ugovor o dodjeli stipendije.

Član 11.

(Isplata sredstava)

Stipendije se isplaćuju jednokratno ili u ratama, ovisno od priliva sredstava u Budžet Kantona Sarajevo. Ostvarena novčana sredstva od stipendije se ne vraćaju.

Član 12.

(Stupanje na snagu)

Ova odluka stupa na snagu danom donošenja, a ista će biti objavljena na zvaničnoj internet stranici Ministarstva za odgoj i obrazovanje Kantona Sarajevo.

